

Izvod iz recenzije

Danas kada živimo u tako turbolentnom okruženju potrebno je dati smjernice i uputstva kako treba uskladiti postupke razvoja sa zahtjevima okruženja. Ovaj zadatak je još teži ako znamo u kakvom stanju se nalaze preduzeća na početku dvadeset prvog vijeka, koji je već definisan kao vijek informatičkih tehnologija i virtuelne realnosti.

Autor je na početku rada dao analitički osvrt na stav da je čovjek "alfa i omega" razvoja u aktuelnoj informatičkoj eri. Uknjizi je dalje analizirano značenje osnovnih pojmova, gledano kroz prizmu savremenih dešavanja: razvoj, razvojne promjene, upravljanje razvojem, razvojne strategije, razvojni kapaciteti i slično. Autor je obuhvatio veoma širok spektar tema iz oblasti ekonomskog razvoja, te naznačio sinergetske efekte svih činioca koji utiču na razvoj ekonomije tj. društva u cjelini. Autor u knjizi razmatra vrijeme u kojem živimo sa stanovišta ekonomije i u uslovima globalizacije. Ističu se pozitivni efekti globalizacije društva ali isto tako daje se povod za razmišljanje negativnih efekata globalizacije: porast jaza između bogatih i siromašnih, problem nezaposlenosti, ekološki problemi nastali kao posljedica savremenih tehnologija i slično.


Autor ukazuje na tehnike, metode i modele koji su sastavni dio inženjeringa. Ublažavanje i prevazilaženje krize i siromaštva je moguće zajedničkom saradnjom države, nevladinih organizacija, privatnog sektora i međunarodnih institucija i organizacija. Privatizacija, uvođenje tržišta, zasnivanje političkog pluralizma i parlamentarnog sistema, utemeljenje pravne države, zalaganja za ljudska prava itd. su procesi kojima se zakoračilo u promjene sistema realnog socijalizma. Najvidljivija i najizražajnija ekonomska dimenzija današnje krize su milioni nezaposlenih i povećana bijeda, siromaštvo nerazvijenih zemalja. Ono što čini jedan od kvaliteta ove knjige, jeste razumljiv i pristupačan način pisanja i predstavljanja cjelokupne građe. Knjiga je napisana za studente koji poznaju osnove ekonomije, kao i za one s malo zvaničnog obrazovanja iz ekonomije. Osnovni principi ekonomije koji su relevantni za razumjevanje problema istaknuti su podebljanim slovima.

Na kraju može se reći da je autor u najvećoj mjeri ispunio postavljene ciljeve: da bude informativan i edukativan, da korisnicima omogući kvalitetno upoznavanje sa procesima razvoja preduzeća. Čitaocu


se daje osnova za dalji samostalan rad i usavršavanje štoje, uostalom, i krajnji cilj koji je autor želio da postigne.

Knjiga autora Željka Baroša predstavlja značajan doprinos razvoju naučne misli i otvara prostor za potpunije razumjevanje pojava koje prate proces u posmatranju. Zato je dobro došla studentima i drugim zainteresovanim.

Banja Luka, januar ,2014. godine



Prof. dr. Bozidar Stajic



Prof. dr. Mladen Ivanic